

推則姑置之大臣之議與兵曹啓意速下書于平安監司處分
辨後重之○憲府啓銀代事不見○兵曹啓曰於呂之父更來
請之則當曰於呂以唐女明言之其夫王昌亦唐人故並送于
觀察使使之處置汝等擄唐女見逃而怒其逃欲託以汝女而
率去汝言汝之女於呂則唐人云汝等之言不可盡信實汝之
女則當與之若唐女則上國之人不可輕許且未知觀察使之
意故果以不來答之汝等至再固請疑是汝女然已送于觀察
使何以為之即以汝意告觀察使處之且所謂於呂之父不來
請而他人來請則答曰上國之人不可輕許其父來則以於呂
所言詰兩端驗真偽然後報觀察使處之當初以不來牢拒故
全不可卒然到此云以此意答之何如傳曰以啓意下諭時具
錄○厚陵恭奉徐敬德以肅拜過限啓通敬德有孝行學力以
寄其志其詩曰讀書當世志結綸曉節還甘顏氏貧富貴有爭
難下手林泉無禁可安身採山漁水能充腹詠月吟風足暢神
免教祿作百年人○坤方有氣如火○甲戌憲府啓銀代事不
見○義禁府回啓曰如此事許繼近未有見但金亨卿之罪其